



ATASSUT
Steen Lynge

UPA2015/22-1
05.05.2015.

Nunatta inuiattut timersornikkut unammersuarterfissaanik quli-samik "National stadion"-imik pilersitsinissaq siunertaralugu Naalakkersuisut pilersaarummik kingusinnerpaamik UKA2016-mi saqqummiunneqartussamik suliaqaqqullugit peqquneqarnissaanik Inatsisartut aalajangiiffigisassaattut siunnersuut. Pilersitsinissamut pilersaarummi misissorneqassapput unammersuarterfissap ingerlanneqarnerani sanaartornissamilu aningaasatigut pissutsit atuuttussat.

(Inatsisartunut ilaasortaq Anders Olsen, Siumut)

Atassut-ip Anders Olsenip Siumumeersup Naalakkersuisut Nunatta inuiattut timersornikkut unammersuarterfissaanik qulisamik ("National Stadion") pilersitsinissaq siunertaralugu pilersaarummik saqqummiussaqaarnissaannik peqquneqarnissaannik siunnersuutaanut atatillugu makkuninnga oqaasertaliiumavugut.

Timersorneq timimut tarnimullu peqqinnartuuvoq. Timersornikkummi timi, eqqarsartaaseq, inoqatinut attaveqarneq aammalu pssusilersornikkut piginnaaneqarneq nukittorsarneqartarput aammalu peqqinnartuunngitsumik inuunissamut pinerlunniarsinnaanermullu pitsaaliuisoqartarluni.

Timersorneq annertuumik siammasasissumillu nunatsinni sammineqarpoq. Amerlanerit sunngiffimmi sammisarpaat allat pimoorussinerullutik ingerlatsisarlutik.

"National Stadion"imik timersuutunik assigiinnigtsunik aallussiviusinnaasumik pilersitsinissamik siunnersuut isuma pitsaasuuvoq ullumikkornillu pitsaanerusequmik aallutaqaarnissamut periarfissiissalluni. Qulisamik pilersitsinikkut timersornermik aallussineq qaffassarneqartussaavoq ukioq naallugu aallutaqaarsinnaaneq periarfissaalissammat.

Atassut-miit tassunga atatillugu nunatsinni arsaattarfinnik ivigaasanik qallikkanik saqqummiussaqaarnissamut peqatasimasut qutsavigiumavai iluatsilluarnissaannillu kissaallugit.



ATASSUT INATSIARTUNI

Assersuutitut marluk taaneqarsinnaapput, tassalu Nuummi “Qulisamik” taallugu pilersaarusiaq aammalu Ilulissani “ivigaasanik arsaattarfittaarniaqatigiit”. Atassut-miit taamatut timersornermut atatillugu pilersitsiniarnermi akisussaaffimmik namminneq tigusinerannik qutsavigiumai.

Taakkuuppummi timersortartut qaffasinnerusumik angusaqarnialersinnaanerannut, peqqisumik inuunissamut aammalu pitsaaliuinissamut ammassiniartuusut.

Taamatut annikitsumik oqaaseqarluta nalunaarutigissavarput siunnersuut Atassut-miit taperserumagatsigu.